

EU-valličukset 2024

Selgoeziteh

EU-valličukset 2024

Euroopan unionan kanzalazet vallitah
Euroopan parluamentan ozanottajat
valličuksis joga viitty vuottu.

Suomespäi vallitah
Euroopan parluamentah
15 ozanottajua libo meppii.

EU-valličukseit libo europarluamentuvalličukset pietäh
kaikis Euroopan unionan mualois
samah aigah.
Euroopan unionas on 27 muadu.

Vuvven 2024 EU-valličuksien aigulistu Suomes on:

- Valličuspäivy on pyhäpäivy 9.6.2024.
- Ennepäi-ianestys kodimuas on 29.5.–4.6.2024.
- Ennepäi-ianestys ulgomual on 29.5.–1.6.2024.

Euroopan parluamentan ruavot

Euroopan parluamentu on
Euroopan unionan kanzanevustuslaitos.

Euroopan parluamentu luadiu zakonoi
yhtes Euroopan unionan nevvoston kel.
Nevvosto evustau
Euroopan unionan mualoi.

Euroopan parluamentu hyväksyy
Euroopan unionan talovusarvion
yhtes nevvoston kel.

Euroopan parluamentu valvou
komissiedu da Euroopan unionan virrastoloi.

Ken voibi iänestiä?

Voit iänestiä EU-valličuksis, gu

- olet täyttänh 18 vuotta valličuspäivässäh **9.6.2024** da
- olet Suomen kanzalaine libo
- olet Euroopan unionan muan kanzalaine
da olet ilmoitannuhes iänioigevusregisträh Suomes 21.3.2024
sah.

Kedä voit iänestiä?

Puolovehet da valliččijoin yhtistykset voijah azettua
ehoitettuloi EU-valličuksih.

Ehoitetul pidäy olla iänioigevutettu Suomen kanzalaine libo
Suomen iänioigevusregisträh otettu
Euroopan unionan muan kanzalaine.

EU-valličuksien kandiduatat
ollah ehtol kaikes muas,
sendäh voit iänestiä hos kedä heis.

Jogahizel ehoitetul on oma ehoitetun noumeru.
Ehoitettuloin noumerat nävytäh
oigevusministerstvan tulospalvelus,
iänestyspaikoil da iänestyskoppilois.

Suat tieduo ehoitettuloih näh ezimerkikse
lehtis, tv:s da internetas.

länioigevusilmoitus

Ollou sinul oigevus iänestiä,
suat kodih kirjazen sih näh.

Suat iänioigevusilmoituksen sähközenny,
ollet ottanuh käyttöh Suomi.fi-palvelun.
Suomi.fi on Digi- da rahvahalistotiedovirraston palvelu.
Voit lugie ližiä adresis www.suomi.fi/viestit

Voit vallita,
iänestätgo valličuspäivänny vai ennepäi.
länestännet valličuspäivänny,
kačo iččes iänestyspaikku iänioigevusilmoitukses.

länestännet ennepäi,
voit iänestiä hos mittumas ennepäi-iänestyspaikas.
länioigevusilmoituksenke keräl on luvettelo
sinun lähialovehen ennepäi-iänestyspaikois.

Ota henkilölližystovestus keräle iänestyspaikale.
länioigevusilmoitustu ei pie ottua keräle iänestyspaikale.

Kodi-iänestys

Ollet läžii libo ollou sinul ylen jygei
mennä iänestyspaikale da iänestiä sie,
voit iänestiä ennepäi kois.
Ilmoittai kodi-iänestykseh
omassas kunnan keskusvalličuskomissiele

28.5.2024 č 16 sah.

Telefonannoumeru on iänioigevusilmoitukses.

Voit kzyžö keskusvalličuskomissiel
ližätieduo kodi-iänestykseh näh.

Nenga iänestät ennepäi

Voit iänestiä EU-valličuksis ennepäi
hos mittumas ennepäi-iänestyspaikas.

Ennepäi-iänestys Suomes on 29.5.–4.6.2024.

Ennepäi-iänestys ulgomual on 29.5.–1.6.2024.

Ota keräle iänestykseh kuvalline hengilöllizystovestus, ezimerkikse
pasportu, hengilökarti libo ajokarti.

Rua nenga ennepäi-iänestyspaikal:

1. **Ozuta hengilöllizystovestus valličusvirguniekale.**
Virguniekku tarkistau sen da andau sinulles iänestyslipun.
2. **Mene iänestyskoppih.**
Kirjuta iänestyslippuh selgieh sen ehoitetun noumeru, kudamua
iänestät.
Älä kirjuta iänestyslippuh nimidä muudu.
Ehoitettuloin noumerat näit ehoitettuloin luvettelos,
kudai on iänestyskopin seinäl.
3. **Taita iänestyslippu keskel muga, gu niken ei vois nähtä
noumerua.**
4. **Tule järilleh valličusvirguniekan luo.**
Häi panou pečätin iänestyslippuh da andau sinulles koričnevoin
konvertan.
5. **Pane iänestyslippu konvertah, salbua se da kleiče.**

6. **Valličusvirguniekku andau sinulles ankietan allekirjutettavakse.**

Allekirjutuksel garantiiruičet, gu olet iče täyttänyh iänestyslipun, suannuh sih pečätin da salvannuh sen konvertan.

7. **Lopukse virguniekku panou valličuskonvertan da ankietan yhteh keldazeh konvertah.**

Virguniekku kleiččöy keldazen konvertan.

Konvertu työtäh

sinun kodikunnan keskusvalličuskomissiele.

Nenga iänestät valličuspäivänny

Valličuspäivy on pyhäpäivy 9.6.2024.

Valličuspäivänny iänestyspaikat ollah avvoi č 9–20.

Voit iänestiä vaigu sit iänestyspaikas,
kudai on sinun iänioigevusilmoitukses.

Ota keräle iänestykseh kuvalline hengilölližystovestus,
ezimerkikse pasportu, hengilökarti libo ajokarti.

Rua iänestyspaikal nenga:

1. **Ozuta hengilölližystovestus valličusvirguniekale.**

Virguniekku eččiy sinun nimen valličusluvettelos
da andau sinulles iänestyslipun

2. **Mene iänestyskoppih.**

Kirjuta iänestyslippuh selgieh
sen ehoitetun noumeru, kudamua iänestät.
Älä kirjuta iänestyslippuh nimidä muudu.
Ehoitettuloin noumerat näit ehoitettuloin luvettelos,
kudai on iänestyskopin seinäl.

3. **Taita iänestyslippu keskel muga,
gu niken ei vois nähtä noumerua.**
4. **Tule järilleh valličusvirguniekan luo.**
Häi panou pečätin iänestyslippuh.
5. **Pane oma iänestyslippu valličusurnah.**

Kesbo suat abuu?

**Valličusvirguniekat nevvotah da avvutetah sinuu
iänestyspaikal.**

Iänestyspaikal on sežo valličusabuniekku.
Voit kzyö händy abuh iänestyskoppih,
et maltane iče kirjuttua
ehoiteten noumerua iänestyslippuh.

Valličusabuniekannu voibi olla sežo ristikanzu,
kuduan sinä iče olet vallinnuh.
Häi voibi olla ezimerkikse omahine libo lähäine.
Valličusabuniekannu yhtelläh ei voi olla ehoitettu
libo ehoitetun lähäine.

Valličusabuniekku ei voi sanella nikelle,
kedä iänestit.

Valličuspeitolližus

Jogahine piättäy iče,
tahtonougo iänestiä da kedä iänestäy.

Valličuspeitolližus merkiččöy sežo sidä,
gu sinulles ei pie sanella nikelle,
kedä olet iänestänyh.

Valličuspeitolližuon täh
täytät iänestyslipun iänestyskopolis.

länestä EU-valličuksis!

**Nenga vaikutat sih, ket evustetah Suomie
Euroupan parluamentas tuliet viizi vuotta.**

Täs ezittehes sanellah selgokielel
iäneständäs da EU-valličuksis 2024.

Luve ližiä adresis:

vaalit.fi

elections.europa.eu/fi

selkokeskus.fi

Voit kzyyö valličuksih da iäneständäh näh
sežo oigevusministerstvan palvelunoumeras
0800 9 4770.

Voit työndiä omii kyzymyksii sežo WhatsApp-viestil
noumerah 050 438 8730